

楹

聯

續

話

楹聯續話卷之三

福州梁章鉅輯

佳話

臨海王芝圃廣文

世芳

生於順治己亥年一百十歲時入

都慶祝 賜侍講銜都人呼爲王壽星扶持者爲其第三子白髮飄蕭背轉僂僂問其長子曰不幸夭亡矣問夭亡之年曰八十五歲當年屆七旬時孫曾已盛百齡外孫曾復舉曾孫壽星大喜自題楹聯云身歷國朝沾浩蕩眼看七代衍孫曾

槐廳載筆云崑山徐太翁當明末土寇竊發擄婦女數十人藏於徐氏賊將他出屬太翁善守之歸若少一當取汝命賊甫去太翁卽各詢其夫家母家親送還之婦女皆叩頭流血去太翁亦自焚其屋而逃矣 國初定鼎後土寇削平太翁三子長乾學次秉義三元文皆鼎甲八座其門對一聯云侍郎尙書都察院狀元榜眼探花郎皆太翁陰德之報云

沈椒園

延芳

贈董文恭公聯云著書臺迥名繁露入畫山

多學富春一切姓一切地又切其善畫也

李雨村

訓元

制義科瑣記云章孟端爲御史多所彈劾中

貴忘之罷歸諸子進中進士爲京官同處一邸書聯於壁云四壁金花春宴罷滿床牙笏早朝歸人多羨之

桐城張文端公父子端揆文和公自撰堂聯云兩世三公
太平宰相一堂五代富貴神仙或謂十六字中惟神仙二字
落空不知公家詞臣接武神仙之福較富貴之稱尤爲
可艷耳

王楷堂比部

延紹

北直人屢與春秋閣分校所得多南省

佳士陳蓮史三元卽出其門林少穆督部贈以聯云南士

淵源承北學秋曹門館坐春風 又張雲集鹽政青選罷

官後就杭州買宅而居適得其詰嗣館選之信少穆贈以

聯云清門甲第傳兒輩舊部湖山屬萬公蓋雲集曾以合

於浙中也

歙縣曹文正公贈吳松岡參知聯云白髮盈簪凡內外將

相公卿咸識三朝元老黃河如帶徧東南兒輩父老共欽

六筭宣防公會三任東河三任南河 本朝河臣中所未

有也龔季思尙書守正亦有聯云節制兩河德水廿年瞻

福曜耆英七袞恩綸初吉黃中樞蓋公官大司馬時曾於

二月初一日蒙 賜壽云

嘉慶乙亥二月三日

上命王述府少宗伯宗誠爲其父文僖公謚修豫稱八旬

之觴黃左田尙書鉞贈聯云謝恩孫代趨朝杖上壽兒歸

聽講筵蓋是日

上御經筵還府時以禮部侍郎職司典禮而文僖公至

景運門謝 恩曰

上先諭令率孫扶掖也

戴溪門督部三錫七十

賜壽花曉亭時爲蜀臬獻聯云帝靜股肱九雲賜額民歌
父母八座齊眉

陳望坡尙書七十

賜壽京邸知交祝聯甚多惟曹文正公振鏞一聯云帝命

汝作士惟明克允天錫公純嘏俾壽而康最爲人所稱又
鄭仁國太守一聯云望重達尊北斗尙書南極老恩承敬
典天朝耆舊地行仙

陶雲汀督部駐節金陵六十

賜壽齊梅麓獻聯云八州都督五柳先生經濟文章百代

心傳家學遠六甲初周一陽來復富貴壽考兩朝身受
國恩長蓋稱觴之辰值黃鍾之月也

諸城劉文清公之太夫人九十壽辰阮芸臺師所製壽聯
膾炙人口已載前編近悟黃石原知吳山尊學士曾爲朱
文正師代製一聯云夫作宰相子作宰相伴見文孫成宰
相古今一品太夫人能有幾個天許長生帝許長生更聞
多士祝長生富貴百年曰壽考請增十齡與芸臺師句意
相仿似流麗有餘而莊雅稍遜也

鮑覺生侍郎

桂星

爲富陽董文恭公七十壽聯云聽履承

家乘鈎杖國卷阿頌爽蒿嶽生申莊嚴典麗蓋非文恭不
足以當之

浙江德清徐氏六世翰林曹地山宗伯

秀先

有贈徐西灣

楹聯云前生慧業摩麟角六世清聲冠鳳池

吳玉松太守

雲

但載辭官逍遙里社所受業女弟子多至

數十人年八十有余之天下學士臣之志之衆碩南雅通
政

蘇

寄聯壽之云泉石衍箕裘名心早淨雲封岫翠鉤圍

杖履笑日常開雪避髭

錢梅溪履園叢話云莊本培學士

培因

少時自負才華不

作第二人想乾隆己丑其兄方耕少宗伯

存與

榜眼及第

時學士猶未捷南宮作詩調之云他年小米魁天下始信
人間有弟兄後果中甲戌狀元潘芝軒尙書未第時與其
兄樹庭中翰咸爲名諸生其封翁雲浦先生索余楹帖云
老蘇文學能傳子小宋才名不讓兄後芝軒中乾隆癸丑
狀元樹庭頗惡此聯爲易去之亦詩兆也

桂林陳蓮史方伯

繼昌

爲文恭公元孫登嘉慶庚辰科三

元時繼蓮龔方伯

繼昌

適維藩粵西手贈楹帖云高祖當

朝一品文孫及第三元語雖渾成終覺太質而鮮味後蓮

史歷官中外游至直隸藩伯潘芝軒閣老贈聯云畿輔爲
屏越五百里科名蓋代第十三人則傳誦於人口按歷代
至今登三元者唐有張又新崔元翰宋有王曾宋庠馮京
王巖叟孫何楊真金有孟宗獻元有王宗哲明有商輅我
朝則已有錢榮陳繼昌兩人趙甌北賀錢湘船三元詩
云累朝如君十一个是繼以錢陳共十三人也然其間如
張又新在當時實稱爲張三頭謂進士狀頭宏詞敕頭京
兆解頭見據崔元翰爲京兆解頭禮部狀頭宏詞敕頭制
科三等敕頭則是四元見說王巖叟以明經科鄉舉省試

廷對皆第一則是明經非進士科

見宋史本傳

金史楊伯仁傳

謂孟宗獻發解第一伯仁讀其程文謂當成大名是歲宗

獻府試省試廷試皆第一則當時稱為孟四元孟益時尙

多一府試耳

又見歸潛志及中州集

是三元故事又各徵有不同也

又按雞窗剩言記黃觀洪武甲子南京解元辛未會試第

一廷對禦戎策太祖擢置狀元後殉建文之難亦見傅維

麟明書忠節傳似洪武中已有一三元不獨商文毅一人

然明史黃觀傳但云以貢入太學洪武二十四年會試廷

試皆第一而選舉志亦謂三試第一者明代惟商輅一人

則黃觀之三元似又未確實故趙甌北止云十一人

程春海贈朱蘭坡聯云東壁仰儒風正色卻邪蒿之簪南
天培士氣高文扶大雅之輪蓋蘭坡曾侍學三天又方爲
吳中掌教也

洛陽合鄒

南廷

之太夫人九十壽辰泰蒼溪太守

伯度屬

陳東橋孝廉

應元

代撰一壽聯云愛日佇期頤蘭階早釀

十年酒慈雲周海嶽萊絲猶栽一縣花蓋合之尊人石泉

太守

貽詩

會官閭中三十年至今去思未艾當時太夫人

皆隨任也

吳中有令長之母以三月三日六十壽者嚴問樵製聯云
衆母奉壽母江南大母三春祝千春上巳長春

孟頫菴師德配何太恭人七十壽辰余伯兄虛白公

際昌

獻聯云人間賢母曾推孟天上仙姑本姓何恭人素道詩
禮得之甚喜

程梓庭總督閩浙時其封翁九十壽辰程春海侍郎以聯
寄祝云六秩翁侍九重親況伉儷偕老子孫賢問內外貴
僚誰同大福七閩歌兼兩浙舞合充豫去思吳楚頌願東
南吉曜直麗中台蓋梓庭曾句宣山左巡撫中州楚南吳

下封翁皆就養云

道光辛卯江南大水文闈改期九月時梓庭中丞爲監臨
中丞本徽產卽前此戊午年魁江南榜者因於首場題一
聯於至公堂柱云矮屋策高文九天升九洲沈九轉丹凝
多士出身在此九月九日秋闈醒春夢三藝競三場竟三
條燭燼一官回首於今三十三年

周石芳侍郎

系英

視學江南自榜一聯於堂上云縣考難

府考難院考尤難四十八年纔入泮鄉試易會試易殿
試更易二十五日已登瀛蓋自道其名場甘苦之味然吾

鄉陳鏊波尙書以七月入泮九月登鄉薦次年四月成進士得館選前後不過十閱月登瀛尤爲得意也

程定甫同年

費清

於道光乙未重游泮宮時龔季思爲江

蘇學政贈以聯云二分月下直舊宿六十年前舊茂才是
年余適過揚州定甫招飲遂卽席書一聯贈之云想當年
發跡雞窗有餘味是他日重歌鹿野之先聲此皆美無故
實也定甫得之甚喜

鎮江有某嵯商欲求阮芸臺師書楹帖師未許也而某商
愈欲得之師令人語之曰我有兩部舊書應歸鎮江人刊

行如肯成此美事必書楹帖以報之某商首肯師卽日以
七字聯句獎之云古籍待刊三十載舊聞新見一千年跋
云嘉慶間余得宋嘉定元至順鎮江府志兩部皆四庫
未收之書曾經進呈得蒙恩鑒因以底本貯之焦山書
藏三十餘年無過而問者歲辛丑丹徒包怡莊學兄請付
棗梨鎮江之書歸鎮江人珍護甚善不意歸而老眼尙見
此書之成乃知書之行世及刊書之人遲早皆有福命焉
因喜而記之節性齋老人阮元撰並書時年七十有八聞
此書近已刻成一部其一部亦已開雕矣

陳仲雲藩伯

原樹

道光壬寅年正月初十日六十歲膝下

有八子是年正月十三日立春雖茗香祝以聯云有才子
八人綵獻萊衣林王太傅先立春三日蘼延柑酒花甲初
周巧思濬發可謂獨出冠時矣

葉小庚

甲菊

守洛陽自署儀門聯云郡望舊京畿金谷豪

奢函谷險物華真秀麗伊川山水洛川花又客坐聯云芸
館忝題名三紀聲華爾日下蒞庭閒坐嘯六年宦績在天
中又一聯云宦品宜適中居職忝爲二千石壯齡方筮仕
服官昀過三十年

潘榕皋

夾簡

以八十六歲赴瓊林重宴萬浣雲邑侯

臺贈

聯云泮藻重游苹笙重聽瓊林重宴老子壽星哲嗣德星
賢孫文星語質而確時其子理齋農部

世瑛

已請終養廿

年餘理齋之子新入泮宮云

嚴問樵官山左時寅好中聯對多出其手如石耀卿大令
尊甫官山右司馬七十壽聯云西人慈母東人大父北極
湛露南極壽星又侯理庭太守之母夫人九月初十日九
十壽聯云開上壽初筵九十日耄後重陽一日八千爲秋
又理庭之公子新婚曹氏賀聯云雀屏妙選今公子鴻案

漪芬古大家又蔡仰齋州判夫婦五十雙壽其門下士以
七夕稱祝聯云屈指三秋天上又逢七夕齊眉百歲人間
自有雙星

百文敏公

百齡

總制兩廣平定海氣有世襲輕車都尉之

賞其時公子尙未育也蔣伯生獻聯云

天子知從無事日郎君貴在未生時文敏逢人輒誦之

王惕甫

世孫

將赴華亭教官之任吳穀人先生以聯贈之

云儒以道得民此官不賤學而優則仕如日之升又鄭六

亭兼才自題學署云天子命之教人才繫此官皆可爲司

楮聯續話卷之三

鐸聞曹吐氣也

相傳有學署舊聯云漫道官閒二十一史繁難頻判案誰
云署冷三五六經鼓吹自排衙亦自新穎可喜

挽詞

洪桐生掌教揚州之梅花書院終於講席時城內安定掌
教吳穀人先生輓以聯云十載共舉比舊夢荒涼梅嶺樹
諸兒蒙教澤春風慚愧杏林花蓋先生諸兒皆肄業梅花
書院而西穀

清鵬

正探花及第也

吳穀人先生亦終於安定講席吳山尊輓以聯云仕隱追
隨顏景相憐如一日師生骨肉名山可許附千秋劉金門
侍郎時寓居揚州亦輓以聯云正味在文章凡識字人同
一哭清風論出處擬私謚者定何辭蓋先生詩文集名有

正味齋也

畢秋帆先生總制兩湖時值剿捕流寇未歲功而薨趙甌
北挽以聯云羊祜惠猶甌峴首馬援功未竟壺頭此不但
峴首壺頭用典精切而羊祜馬援亦成佳對且切合時事
開合俯仰尤見情餘於文也 按此聯甌北亦自得意後
衍成挽詩編入全集內矣

浙中錢東生學士

林

文筆敏瞻而古貌古心毫無時俗態

度人皆知其能到除司判事而口絕不談余嘗同扈從盤
山者數日行帳相接每退直必相晤語微叩其端皆笑而

不答也未及中壽而化去成蓉臺太史

人鏡

挽以聯云福

慧並清華能靜自兼仙佛意死生都了徹不談終是聖賢
心足以傳學士矣

游彤占侍御

光緒

輓陳質齋侍郎云對宇望衡回首燕臺

真似夢素帷丹旄傷心吳苑不成春蓋游興陳在京邸人
爲鄰陳奔喪歸沒於蘇州也

唐鱗飛

應甲

輓石曉田

煦

之兄云老泪我無多數落

晨星從此驪駒空冀北雄才君未盡歎茫茫泉路相隨鴻雁
到荆南時曉田官荊州郡丞也

陶雲汀宮保丁父憂其座主陸平泉尚書

以莊

寄輓以聯

云能仕教之忠有子詩書將食報欲養親不待類余風樹

早銜悲

姚亮甫中丞輓章文簡公

照

聯云箕尾黯星躔詔語天嗟

遺老一衣冠崇洛社典型人失達尊三又輓張蘭渚侍郎

聯云奏賦共螭坳譚誼同敦感西湖四十七年爪印寫經

飯鹿苑禪心早定付南屏一百八下鐘聲出句謂乾隆甲

辰同召試於西湖事次句謂侍郎素耽禪悅易簀時尙

有南屏僧數十人環繞榻前代宣佛號也

有某公輓陳雪田聯云志在名山不作公卿緣好學文能
壽世非求仙佛自長生此蓋襲川袁簡齋先生句而稍變
其意者也

翰林張某者新婚甫兩月而病沒太夫人猶在堂也其婦
翁輓以聯云逝矣修文郎縱玉堂傳舍金粟空花回首能
忘垂老母傷哉薄命女僅三日同年六旬臂藥斷腸永作
未亡人語極沈痛

常熟令某之父與蔣伯生

四培

山左同官舊好後就錢幣

熟卒於官舍伯生輓聯云治譜付佳兒感頻年悲變吾鄉

白髮黃童都淚下頽齡逢舊雨歎此日招尋勝蹟青山紅
樹也魂銷

道光間吳中耆舊以潘榕皋先生爲魁地曾重宴鹿鳴重
宴瓊林爰其姪芝軒尙書一品封誥年登九袞始卒襲
季思晚以聯云九十年魯殿巍然記曾同世父春闈先公
秋賦甲乙榜鼎科籍甚已正沐桂林燕賞杏苑恩榮齊
梅麓亦有聯云爲學爲修爲惻惻爲威儀有斐爲文九十
年華盡衛武一生之事曰壽曰富曰康寧曰攸好考終曰
命三千世界集箕疇五福而歸

林少穆督部工爲櫺帖而於挽詞尤能曲折如意各肖其

人如挽蔣礪堂節相

攸銘

云合兩朝宰輔封圻第一流人

終不忝培四海賢才俊父在三師事有同悲蓋嘉道兩朝

諸巨公好汲引人才宏獎善類者惟公一人斯聯海能舉

其大也 又挽孫文靖督部

爾準

云沔微樹豐功水利邊

防廿載宏宣經世畧宮衡隆晉錫易名延賞九原還切報

恩心 又挽盧敏肅督部

坤

云十年三建戎功帝賴重臣

四狴蠻狽皆懾魄九省七膺節鎮人懷遺愛山河嶺海馳

銘恩 又挽陶文毅督部

湖

云大度領江淮寵辱胥忘美

謚終憑公論定前型重山斗步趨靡及遺章惡負替人期
自注云公遺疏有林則徐才識十倍於臣之語讀之汗下

又挽韓桂船尚書劫云西曹法律南紀封圻溯三朝中

外黜猷范富歐陽同著望閭嶠嶠惟吳趨杖履憶冊載因

緣香火李張皇甫愧知名自注云公嘗提刑閩中某爲諸

生時卽以國士相待又某官吳門值公里居尤欣親炙云

又挽陳石士侍郎用光云德性秉溫餅兩入瓊林稽古

榮躋卿貳貴文章崇軌範七持玉尺變才羣仰老成型

又挽張蘭清侍郎云感恩知已兩兼之擬今春重謁門庭

誰知一紙書竟成絕筆盡忠補過今已矣憶平昔雙修
儒佛但計卅年宦績也合生天 又挽碩南雅通政云風
節樹朝端鳴鳳聲高爲感恩慈酬再造文章驚海內登龍
望峻更餘書盡重千秋 又挽郭蘭石廷尉尙先云三十
年人海才名帝簡方隆天已召六千里家山歸夢親心難
慰子誰依 又挽陸心蘭藩伯言云臺館式前型游中外
四翔直節清嚴猶在望藩屏聯宦轍悵老成徂謝名賢言
行未終編自注云時公方輯名賢言行錄也 又挽俞陶
泉都轉德洲云拯溺舊同心才德兼資如此循良曾有幾

籌餼今盡瘁設施未竟畢生懷抱向誰開 又挽李蘭卿

都轉彥章云卅三年才不虛生帝簡方隆誰料謫仙歸紫

府重五節縷難續命名心未曠應教詞客祀紅橋 又挽

廖竹臣郡丞鴻苞云卅年來同譜同舟忽魂歸縹緲峯前

轉悔量核空借箸一門內難兄難弟竟望斷迢迢堂後不

教舊約踐連床蓋郡丞爲儀卿觀察鉅夫尙書之兄適調

任太湖同知卽終於官廨云 又挽游春樊中翰典詩云

薇香早抽簪憶卅年鍵戶獨居清品咸推無玷玉枌鄉常

設帳帳五集編詩未就蕭辰忽折後凋松 又挽吳和庭

邑侯

觀樂

云遺愛遙傳三竺外吟魂應在二梅閒蓋和庭

令浙中有善政歸里時卜居謝古梅學士之二梅亭也

又挽江石生邑侯

之紀

云去思何武畱遺愛死孝王戎本

至情石生居母喪以毀終云

岳小瀛宗伯

起

以江蘇撫部引疾旋晉少宗伯嘉慶己巳

薨于位宗伯居官公正清廉有伯道之感爲

屏廟所知特

命公之夫人擇族人之子爲嗣先是宗伯因族人寥寥無

當意者具遺摺以

聞至是夫人亦不願

廢廟亦不之強乃命大宛兩縣于春秋致祭以爲例洵曠
典矣紀文達師以聯聯之云剛峯原不隨流俗孝肅何須
有後人非此大手筆不能相稱也

孫寄圃相國晚黎襄勤河帥

世片

聯云隻手障狂瀾立德

立功水土平成君不朽八年聯舊雨如兄如弟芝蘭凋謝
我何堪相國不以書名而手寫此聯大字如斗莊嚴合矩
儼如其人時余官袁浦曾親見之

史望之尚書與康蘭皋中丞

紹鏞

同年相好中丞卒尙書

寄聯輓之云同譜最相親憶白髮青燈昨歲尙陪連夜話
名山期共往歎太行盤谷此生無復並驂游

謝默卿曰陶文毅公之墓也獻輓聯者以數百計佳者不
可悉數最後聞人傳述一聯獨能舉其大微其實情忘卻
撰者姓名也句云答眷恩智勇忠勤凡如籌海運策河防
改鹽政諸大端皆我公力瘁封疆事業稱三江柱石持政
體和平寬厚尤以培士氣察民隱勵官方爲先務聽此日
哀闕衢市英靈仰萬古雲霄按齊梅麓輓陶文毅公聯
云以寬厚孚民望以忠誠結主知敬賓朋體僚屬教育英

才二十年節鉞尊嚴未改書生面目爲畿輔急糧儲爲東南興水利拯災黎化泉徙恤慈孤効數千里旃幟蔭庇何殊菩薩心腸亦傑構也

陶雲汀陳芝楣先後沒於江南任所翼季思輓陶聯云節署久宣勞公爾忘私盡瘁遽聞歌薤露草廬酌賜翰賞延于世印心好爲嗣芸香蓋公所居印心石屋曾奉

御筆親題也又輓陳聯云廿載報君恩真不負目下探花江南秉節卅年敦友誼最難忘吳中分袂漢上題襟陳爲季思典試湖北所得士又季思視學江南時陳繼藩吳下

曾連日侍從游山云

揚州羅茗香山大江漁流而上訪陳仲雲蒲伯於江西行
省而蒲伯已先期歸道山茗香哭以聯云追思患難相依
感適館授養談經講學薪傳已閱廿年詎者耆頻阻風帆
致我遲來空展遺容成沒世可惜封圻未轉奔巡方煮滷
陳臬維蒲棠蔭僅留三省慟此際纔停露冕值君小極誤
投蠲痺喪斯文蓋蒲伯患臂痛醫家誤用蠲痺湯不劑遂
不起故末語云然

王文簡公

引文

丁其父懷祖先生憂去位服闋還朝署

工部尙書未幾卽薨英煦齋師輓以聯云下筆已千秋稽古共知尊漢學還朝能幾日考工惜未補周官

劉芙初同年

嗣緒

之夫人卒於七夕適值立秋齊梅麓輓

以聯云河漢隔雙星可是仙家好離別梧桐飄一葉若爲詞客助詩懷

屠琴鵬

傳

以儀徵令引疾家居忽奉

旨特授九江府未

赴卽客死揚州齊梅麓輓以聯云一病負殊恩九派清江懷太守十年成大覽二分明月弔詩人

陳雲伯邑侯

文述

之母終於吳中齊梅麓輓以聯云九龍

助苦封鮓資廉有是母乃有是子隔幔傳經居樓授史聞其語今見其人

王竹嶼都轉

鳳生

爲葑亭給諫之子長於吏治由丞倅驟

晉監司未竟其施旋登臬錄齊梅麓輓以聯云受寵轉愁顏
歷官河北淮南濟世經綸殊未展訂交從總角重過三
山二水賞心詩句與誰論

萬小廉

啓明

廉山郡丞之子市山部郎擢御史遽卒連一

月而廉山亦逝齊梅麓輓以聯云三尺好頭銜執簡無緣
報國空懷萬言疏一家大手筆修文有命奉親先赴九重

泉

郭韻泉

文滙

聽於粵西泉任先十日已擢方伯韻泉不及

見也其易簣日時悉與誕辰相合余初囑余小霞代製一

聯云寅誼託苔岑持平遠比于公獄

洪郭宏治獄平允法
人比東海于公

星沈桂管遺愛應刊有道碑下二語皆切其姓也後數日

而部行新命始至復令改製一聯云來去有前因遺範

難忘聯襪日寬嚴能並濟新恩惜在蓋棺時則面面皆到

矣陳蓮史方伯聯云知醫御老執法忘劬看塵牘丹爐晷

影苦無清暇候優許參病殊榮晉秩緬匡盛庾嶺星文竟

陸碧雲明亦功皇周浹之作也

朱蘭坡輓顧南雅聯云魏闕鑒誠衷建議訥臣追汲黯
池施善教酬恩祀典泣侯芭一言其在翰林屢上封事一
言其督滇學時教士如親子弟滇人感之爲力請入名宦
祠也 又周敬修督部天爵爲蘭坡所得士其母封一品
夫人年踰九袞督部緣事譴戍將出塞旋發往粵東軍營
効力在途聞訃奉

旨准回家穿孝百日然後行蘭坡寄輓以聯云珈服寵榮
多上壽始教歸薤府墨纓軍旅亟中途猶許泣馭幃

楹聯續話

卷之三

二十

何玉田孝廉輓方茂才

壯猷

聯云傷心酒國流光短回首

名場恨事多方好飲人有抄其文登第者故云

齊梅麓有自題生墳詩蔣伯生極爲歎賞謂可抵梅花萬
樹近二人同建白蘇祠屬梅麓爲聯云中有仙龕虛一室
更邀明月作三人甫書寄而伯生已逝矣梅麓寄輓以聯
云丹青徧鄧尉羅浮繞墓植梅花來去原從衆香國俎豆
傍白公坡老作祠倚修竹海天還有一仙龕蓋仙龕一室
遂成戲語亦奇矣哉

近人孔孝廉傳金爲其庶母持三年服集經語爲輓帖云

慈母如母貴父之命也顧我復我鬻子之閔斯字字如生
鐵鑄成可謂不刊之作

鄭仁圃曰里黨中有林姓婦素通文理中年遽卒相傳其
自輓一聯出語告夫對語教子悱惻動人亦可傳也其詞
云我別君去君何患無妻倘異時再叶鸞占莫謂生妻不
如死婦兒隨父悲兒終當有母願他自得酬烏哺須知養
母卽是親娘又饒心耕有晚其妻聯云本八字安排以致
累卿貧到老作一搭打筭自然先我死爲佳此合前一聯
讀之皆堪酸鼻也

鄭仁圃素工楹帖里居福州時凡親朋晚聯多其手製知
余欲續編聯話因錄其舊作相寄中有曲折盡意者如挽
何玉田孝廉云君乃長於情者爲戚友關心終歲勞人草
草文固無如命也以孝廉沒世當今天道茫茫又云閱歷
名場終竟才人無福命消磨心力祇緣文債與親情又云
人情欲贈方千第天意原慳李賀年 又晚許畫山邑侯
作屏云披叔重舊文馴雉歸來經箇寓旂旌陽遺變化見
仙去口碑傳 又輓林鈍村孝廉 一桂云三千卷勤抄毫
學宛如沈麟士八二齡老宿典型頓失魯靈光 又輓張

洲山明經

登瀛

云吟成三影清詞恒化竟同蝴蝶夢謝卻

九秋芳信催歸忍聽鷓鴣聲明經時客光澤因赴秋試抱

病歸至家一日而卒

又挽言可樵邑侯

朝標

云千里銜

哀卒靈輿言過驚說我詩初罷誦廿年遺愛悵絃歌遽息

慘教棠樹不成陰時邑侯正丁憂將扶柩歸里也邑侯常

熟人言子賢裔

又挽許子密茂才

作樵

云庚宿掩霜晨

黃菊叢中添淚雨卯橋嗟月夕紫藤庵畔景光風茂才家

有紫藤花巷卽許甌香先生

友

舊蹟也

又挽廖封翁云

卿霽煥朱門石奮卽君昔貴仕仙風飄絳節劉綱夫婦並

歸真封翁夫婦一月中相繼而逝卽鉅夫儀卿二太史之
父母也 又輓林母云教成諸子盡揚眉咸使備賓與德
藝看入三場纔瞑目不教遲詰嗣科名時有子四人皆應
舉母沒於八月十四夜則諸子皆入闈矣

何仙槎尙書

漢漢

終於位

賜謚文安諡考我 朝謚文安前此僅有兩人一爲孟津

王尙書

錄

一爲掖縣張閣老

端

蓋百十年來易名之典所

僅見也汪少海

仲洋

輓以聯云踐道一身兼貫乎言功者

德易名當代少止於義理曰安又錢心壺給諫

儀吉

聯云

淵雲大文趙張爲政奮建家風時望兼漢廷數子省臺故
事都邑誼思門牆述訓合名併荆國家風贈尙書輓聯者
甚多皆二三十字巨製惟此兩聯更爲沈著耳

潛雲浦封翁芝軒相國之父也相國以尙書乞養十年而
封翁始歸道山張蘭渚中丞挽以聯云一品荷崇封牝斗
尙書徵燕翼八旬尊上壽西方生佛想螺容

朱蘭坡曰余嗣母貞節汪太宜人棄養同宗同年寶應文
定公寄輓聯云在女而貞何異西山采薇未仕抱爲臣之
節誨子能似空台南陔執豕曰歸與失母之悲又同年李

芝齡親慈輓本生母趙太宜人云記事圖成百日孤兒綳
雪夜陳情疏達三年兩母痛泉臺此聯一謂余三月餘而
孤本生母鞠育之苦嘗作雪夜綳兒圖以記其事一謂在
上青房遞摺告養並言兩母仰蒙 恩准未至家已聞
貞母之訃踰二載而本生母又逝也切當不易讀之猶落
澤淚下

吳門陳竹士之室金緘絨才女也聲震一時著有瘦吟樓
稿早卒汪宣秋女士輓以聯云入夢想從君鶴背悲娘凡
骨重遺真添畫我永仙可要侍兒扶人爭誦之其繼室王

梅卿亦工詩合卷之文詩僧懷雲獻製一聯云幾生修得
到一日不可無可稱雅詭

嚴問樵有一妹適余生次年三月產一女隨以四月八日
亡問樵哭以聯云佛不慈悲失乳忍聽遺女哭兄兼貧病
傷心更恐二人知

嚴問樵有姪人沒於清江問樵哭以聯云不合時宜惟有
朝雲能識我獨彈古調每逢暮雨倍思卿

楹聯續話卷之四

福州梁章鉅岬

集句 集字附

羅茗香曰朱竹垞先生舊有集句楹帖云人道君如雲裡
鶴自稱臣是酒中仙惜未詳所贈何人

劉金門先生自出塞至 賜環凡閱三載歸後集杜句作
聯云三年奔走空皮骨萬古雲霄一羽毛所至皆懸於壁
見者無不稱其工妙然次句究嫌其夸也

萬廉山郡丞喜蓄奇石大有米海岳之癖嘗以戟眉積雪

石自鐫此四字贈唐陶山方伯方伯集句爲聯以謝之云
何當報之青玉案可以橫絕峩眉巔

謝椒石曰真州察院舊爲鹽政按部時掣鹽公所內有戲
臺會賓谷中丞煥有集句聯云粉澤大猷元黃裨說雲霞
萬影絲竹千聲戲臺聯之莊麗無踰此者

阮芸臺師有別墅在邵伯湖之北湖墻植柳三萬株自額
所居曰南萬柳堂以別於京師之萬柳堂也沿湖魚利甲
於江北師嘗集句自題堂聯云君子來旂貫及柳牧人乃
夢衆惟魚以石鼓文對毛詩自然名貴

黃右原比部索余撰句贈聯比部博學好文在淮商家爲
別調余集韓詩外傳及漢書河間獻王傳語與之云虛已
受人彼其之子殊異乎族實事求是夫惟大雅卓爾不羣
邇上人多不知所謂惟芸臺師以爲無虛譽也

余前編叢話有輯漢碑句十餘聯黃右原比部見之以爲
永盡因手錄一帙示余蓋余前據敝齋現藏搨本爲之右

原則從隸釋隸續中推廣得之今亦擇錄如左彌覺古香

襲人也其四字云合儀合邑允武允文逢盛碑 魯峻碑爲國楨

幹配曜岳嵩郭仲奇碑敦詩悅禮含謨吐忠西陝頌 孔老碑

剛毅多畧文雅少疇郭仲奇碑種德收福幹國棟家張

神碑州輔碑廣祈多福博覽羣書孟郁碑姿兼申甫德侔

產奇張納碑智含淵藪聚如珪璋唐扶頌比蹤豹產

廣姿管蘇魯峻碑為國楨幹作主股肱郭仲奇碑行

義高勁體性溫仁費鳳碑文豔彬彘風曜穆清趙固祝

陸碑翊風膏雨左書右琴孟郁碑耽樂術藝羣斂吉祥

華山碑剖演奧藝恬忽世榮校官碑鈎河擿維奉魁

承杓史晨碑應運挺度通神達明郭究碑篤禮崇

義抱淑守高亮碑天與厥福世有合名禮器碑八

字云躬潔冰雪夷然清皓性發蘭石生自馥芬祝曉後碑

學爲儒宗行爲士表愛若慈父畏若神明魯峻碑內

懷溫洞外振強虐功綿日月名勒管絃魯峻碑以義抑

彊以仁恤弱乃台吐曜乃鬱降精唐扶頌威隆秋霜恩

踰冬曰言合雅謨慮中聖權樊毅碑十字云言不失典

術行不越矩度威以懷殊俗德以化圻民楊統碑

黃石原又缺其集句集字楹帖見示因復擇其尤佳者如

左如云鵲笑鳩舞大喜在後麟子鳳雛和氣所居桂栢棟

梁麟鳳堂堂雍涼朱草文山紫芝達性任情得其歡樂

布政施惠拜為公卿以上焦氏易林

金石九莖木禾六秀明珠

一寸白玉四環鮑照河清頌

瑞林朋生祥禽輩作卿

雲似蓋甘露如珠鮑照河清頌

珠角擅奇山庭表德天

球並價目觀同光庾信齊王憲神道碑

論史可聽談

元愈默幽居少事野性多閑宋之問禊飲序

璣鏡照臨

山河容納風質洞遠儀止祥華庾信齊王憲碑

立行

可模置言成範徽猷克著聲績肆宣沈約齊昭王碑文

組織仁義琢磨道德棟梁華夏舟楫江河劉峻廣絕交

碑王憲鏡文虹於綺疏浸蘭泉於玉砌握珠胎而冠月振

瓊樹而韜霞

王勃曲水詩序

王樹以珊瑚作枝珠簾以

玳瑁爲押赤雁與瑛麟俱下醴泉與甘露同飛

徐陵玉臺新詠序

庾信賀新樂表

又集唐人句云四時最好是三月萬里誰能訪

十洲

韓偓李商隱

金鈴玉佩相磋切珠璣瓊花門剪裁

李紳王初

黃金盒裡盛紅雪碧玉盤中弄水晶

王建郭震

又集蘭亭

序字云將相風和天地靜修齊事大古今同

契古風流

春不老懷人天氣日初長今若古稽極樂事外和內峻

大賢風流水長亭春風靜宇幽蘭一室修竹萬山修

竹抱山春亭映水幽蘭得地虛室當風遷固同文惠列

殊抱管樂佐世老彭引年臨類咸和取諸無妄隨時觀

感咸與同人合室能文自是盛事放生爲樂可得大年

虛能引和靜能生恬仰以察古俯以觀今

鄭仁圃寄余集句聯數紙中有可錄者如云左酒右漿喜

豈其室伯歌季舞福爲我根合抱同年宴樂有緒駕福

乘嘉昏悅宜家以上焦氏易林小園新展西南角和氣先熏草

木心放翁半山平生獨以文字樂此日悠然水竹居宛陵朱子

煙樹遠浮春縹緲風船解與月徘徊文潛朱子深林開數新

添筍殘燭貪看未見書放翁山谷五畝自栽池上竹一尊徑

醉溪中雲

東坡誠齋

道光改元 詔開孝廉方正科吳江縣以翁君海村應舉
羣稱公允有以集句聯贈之云聖代卽今多雨露先生有
道出羲皇

鄭仁圃嘗擬作軍機直房春聯集句云春爲一歲首月傍
九霄多同人皆以爲工惜未懸挂又嘗集句作閩浙分水
嶺交界處聯云半嶺通佳氣他鄉有勝緣亦擬而未挂又
於九江府天后宮牆外集句一聯云潮平兩岸濶花滿九
江春蓋牆外臨大江牆陰則花園也

姚亮甫中丞由豫藩量移山右時汪碧山方伯如淵集詩

經句贈之聯云既儆既戒惠此中國來旬來宣至於太原

中丞極稱其工切

京師和春部戲館門外有集句聯云和聲鳴盛世春色滿

皇州天然莊麗云是張船山太守問陶所撰

孫柳君錄寄所集古樂府五七言聯古雅可喜如昭宮紛

在囑惠心清且閒出坐山高日端景緣直表茂實偶英

聲上邪篇恪勤在朝夕俯仰愧古今蒲生行金石響

高亭桂松比真風遠期篇智理周萬物遠懷柔九州伯

綴劍篇

清川含落景丹華耀陽林

上日東南隅子夜四時歌

春秋補

小月山水有清音

折楊柳問月歌子夜四時歌

語默寄前哲邂逅承

清塵

折楊柳行定情篇

仁聲被八表妙花開六塵

朱鷺篇永明樂

舍

情結芳樹掄香散名花

折楊柳行芳樹篇

平生懷直道大化揚

仁風

白頭吟上邪篇

沙棠作舟桂為楫浮雲似帳月如鈎

梁元帝鳥

棲曲

簡文

凝華結藻久延立彈琴鼓瑟聊自娛

歌

帝鳥

棲曲

篇

繁絃急調切流徵迎歌度舞遏歸風

趙瑟奏筆

余在桂林習見陳遵史所作楹帖語多古異閒詢之始知

其暇中輯有五七言舊句三百餘聯手寫一帙見贈茲擇

櫺聯續話 卷之四

其尤佳者錄之如左五言云容光無不照懷古亦何深張

江 陶 衛門羅戟繁遂性各琴尊韓退之 榮華肖天

秀談笑安邊隔 蘇 天材任操倚經訓乃蓄蓄蘇 文章

自娛戲忠義老研磨蘇 韓 文章開筵與節制收英髦杜

避人焚諫草彈劍拂秋蓮杜 李 遠意發孤鶴恩波起洞鱗

蘇 杜 傳家有衣鉢聽樓上星辰杜 蜀 經綸皆新語鸞鳳本

高翔杜 韓 上客能論道虛懷只愛才杜 右丞 奇書窺鳥跡

賜茗出龍園放翁 高文有風唯新渥照乾坤杜 右丞 肝

膽不楚越眉爭真天人杜 李 塵襟諒昭洗賢路不崎嶇朱

杜

雲霞成伴侶冰雪淨聰明

杜布丞

頃來樹佳政時還

讀我書

東野陶

銘心對飲器含笑看吳鉤

萬化如大路

一字皆華星

遺山杜

丹青不獨任心跡喜雙清

袁暉杜

風

騷其推激華實相芬芳

杜載之樓

荊州焚山簡刺史似寇

恂

杜

颯爽動秋骨兼折配春溫

杜蘇

心在水精域直如

朱絲繩

鮑昭杜

高才食舊德流藻垂華芬

蘇子建

桑竹垂

餘陰珪璋滿清班

陶蘇

計澗道愈密實大華亦榮

蘇韓

曠

懷掃氛翳公論懸日星

杜遺山

春夏各有實魚鳥亦相親

蘇

朗鑒諒不遠清言得未嘗

韓蘇

時節不可翫風期誰

復賡韓文章有定價邂逅得初心陸即事已可悅賦

詩何必多杜所得靜而簡其人勇且英陸放意弄晴

快叩奇獨冥搜蘇東野唱妍酬亦麗我適物自閑韓草

聖秘難得詩人思無邪杜得盡所慙妙應緣不耐閑蘇杜

永路當自最清光應更多李得句忍不吐好古意所

耽蘇量力守故轍滋胸生層雲陶守道不封已擇交

如求師杜且從性所翫庶以善自名惠連佳句喧眾

口古人惜寸陰韓春耕庶秋穫茶興復詩心曲江殊

姿各獨立素志庶可求蘇發興自我輩賞心惟良知杜

康樂達生幸可託得句不妨清康樂蘇蘊真快所過澄虛

憫此身杜李與道本無隔將詩莫浪傳杜李自得高寒嶮

永言銘佩紳李韓始得觀覽富特以風期親李韓各勉日

新志能為歲寒姿康樂蘇力守非有黨心清得奇聞陸蘇

為學務日益將詩待物華杜蘇好語時見廣此身良自如

蘇李永曾一日闕猶有五湖期香山義山或製閒居賦蘇李

雜體詩義山試吟青玉案如登黃金臺杜李士生要宏

毅情在強詩篇杜陸堅姿聊自傲素履期不渝蘇權虛白

道所集靜專神自歸蘇雲黃卷真如律素琴本無絃

櫺聯續詰卷之四

李杜 蒸騰坐可致灑掃今其初杜 幽人常坦步稚子

總能文杜 掬水皆花氣讀書此雲房方元英 縈情

無餘澤揚論展寸心文通 逸氣感清識良辰入奇懷杜

服理辨昭昧秉心識本源道山 興來每獨往道集由

中虛右丞 新詩如洗出好鳥不妄飛杜 即事須嘗膽

論詩一解顏杜 大哉霜雪幹得之煙山春右丞 偶值

棲遁跡何異清涼山李 兼入竹三昧時有燕雙高蘇

餘心無采續對書不響纓牧之 鳥鳴時一再家住水

東西陸 飛鳥逐前侶好峯隱半規右丞 石壁開精

舍瑤華振雅音

曲江

長歌白石洲高臥香山雲

蘇山

輩管書桶葉天瓶

蘇山

虛舟任所適飛鳥相與

還襄陽

荷鋤覩泉脉移石動雲根

右丞

海石分棋子

江波近酒壺

義山

彈琴復長嘯讀書仍隱居

右丞

逢人

覓詩句留客聽山泉

遺山

翰墨三餘隙岐塘五月秋

少陵

踈峯抗高館穩字入新聯

康樂

雲岫不知遠花房

未肯開

東坡

詩眼自增損德容自清溫

東坡

曬書因

閒盡閒坐但焚香

司空圖

七言云光芒六合無泥滓濡

染大筆何淋漓

義山

別裁偽體親風雅編謁名山適性

蘇軾讀書之卷之四

靈夢得官職聲名俱入手風崖水穴舊聞石蘇白回看

屈宋猶年輩遠近甫自感至誠義山退之詩筆雜騷亦時用

文章爾雅稱吾宗蘇鐘鼎山林各天性風流儒雅亦吾

師杜詩情逸似陶彭澤勲業終歸馬伏波夢得文學

縱橫乃如此金石刻畫臣能為山谷守道還如周柱史

著書曾學鄭司農夢得憶事懷人兼得句引杯看劍坐

生風義山東坡山江山水間來又庾信文章老更成杜數

問舟船蓄製作更無書札到公卿少陵亦能盡馬窮

殊相欲遣吟人對好山少陵自把新詩教鸚鵡戲拈禿

筆掃驪駟陸杜但酌此泉勝酌酒勸栽黃竹莫栽桑放翁義山

千首新詩一竿竹牆西明月水東亭陸白詩翁愛酒常

如渴草堂少花今欲栽蘇杜重之不減錦繡段邀我其作

滄浪篇少陵永叔作詩賀我得石友曲肱聽君寫松風石湖山谷

萬卷藏書宜子弟一日過海收風帆山谷少陵春工遇物

初不擇酒聖于吾亦庶幾放翁牧之一家喜氣如春釀小築

幽棲與拙宜蘇陸酒令雖嚴莫與虐草書非學聊自娛山谷

東坡每聞佳士輒心許不辨仙源何處尋放翁右丞前身應

是梁江總百歲須齊衛武公義山牧之

楊芸士亦錄寄所集古樂府楹聯與孫柳君所錄寄者十

有八九相同殆皆有所本故不復登其集易林八字聯云

大福允興主母喜舞長樂愛鹿使君延年 歡喜堅固保

我金玉福祿祺祉樂以笑歌 千歡萬悅貴壽無極五福

四利嘉慶大來皆吉語也 又集古詩句五言云典墳探

奧旨詩禮挹餘波錢起 知音在霄漢時分占風煙元

白居易 聽琴知道性避酒怕狂名姚合 李杜文章在

荀陳地望清 鳳棲常近日鶴夢不離雲錢起 文章負

奇色事業富清機陳子昂 翰墨緣情製山林引興長孟

然杜
少陵

七言云合沓聲名動寥廓縱橫逸氣走風雷李杜

功業須當垂永久行藏爭不要分明李成融花房露

透紅珠落桂樹風吹玉簡寒溫廷筠雲生砌戶衣裳潤

窗近花陰筆研香香山黃庚

張仲甫中翰應昌聞余續輯聯語亦以舊時集句十餘聯

錄寄如靜坐觀衆妙端居咏天和太白朱子松栢有本性林

園無俗情公幹靖節結念屬霄漢委懷在琴書康樂靖節萬事

已華髮一身為輕舟常建東坡江湖萬里水雲濶草木一溪

文字香林景熙汪元量入妙文章本平淡逸羣翰墨爭傳誇戴

古 僧 惠洪

玉琴瑤瑟倚天半白波青嶂非人閑

誠齋東坡

文

章清逸世少比曾次廣博天所開

穎濱

園中草木春無

數湖上山林盡不如

東坡和靖

詩墨淋漓不負酒江山雄麗

洵宜人

林景書穎濱

春能蘊藉如相識風入襟懷只自知

寒香嚼得成詩句新月邀將入酒杯

力岳張耒

又集得一

聯云陰陽風雨晦明交之以節夢幻露電泡影作如是觀

亦以經對經渾成可喜

鄭仁圃曰曾見黃莘田先生有集句數聯極工整如平生

能著幾兩屐長日惟消一局棋數點雨聲風約住一枝花

影月移來柳搖臺柳東風軟花壓闌干春晝長勸君更盡
一杯酒與爾同消萬古愁

蔡佛田工作楹帖亦喜集成語爲之今從紫荊樹館雜著
中錄其佳者如集詩品云水流花開晴雪滿竹柳陰路曲
過雨朶蒨紅杏在林如有佳語碧桃滿樹良殫美襟
落花無言幽鳥相逐可人如玉清風與歸明月雪時金
尊酒滿風日水濱碧山人來紅杏在林踈雨相遇碧桃
滿樹清露未晞脫帽看書生氣遠出杖藜行歌妙造自
然流鶯此鄰如有佳語晴雪滿竹泠然希音如氣之

秋窈窕深谷猶春于綠荏苒在衣 畫橋碧陰觀化匪禁

綠杉野屋幽行爲遲 夜清月明所思不遠柳陰路曲妙

造自然 集元遺山句云且從少傅論中隱擬問靈君乞

止池寄楊弟正卿 白雪任教春事晚貞松惟有茂寒

知寄答飛卿 空谷自能生地籟吟毫端合染溪光山

七重寶樹圍金界千里名山入酒船應州寶宮寺太白獨酌圖 世外

原無衆香國花陰真是小華胥吳巖醉猶圖 搢筆尙堪凌浩

蕩題詩端爲發幽妍明日作 撐腸文字五千卷試手清

涼第一篇寶章小集 玉樹瑤林照春色物華天寶借餘

光送仲梁出山又集宋人句云藏書萬卷可教子買地

十畝皆種松山谷萬壑松風和湖水十分煙雨簇漁鄉

誠齋曰消殘醉閒吟裡夢入青藤古木閒朱盡捲簾

旌延竹色想銜杯酒問花期石湖傍花行酒發新唱解

帶量松長舊園君謨養氣不動真豪傑居心無物轉光

明放翁酌酒賦詩相料理種花移石自殷勤韋齋謨

議軒昂開日月文章浩渺足波濤樂園吾山自信雲舒

卷片心高與月徘徊放翁幾多惟石全勝畫無限好山

都上心詹中正林花經雨香猶在芳草留人意自閒公

永叔

林罅忽明知月上竹梢微響覺風來放翁真山民能招

過客飲文字亦把湍流替管絃半山後村是處登臨有風月

畧無蹤跡到波瀾放翁賈牧樓臺近水涵明鑑琴酒和雲入

舊山簡齊半山已辦青鞋爲老圃細傾白墮賦新詩朱子簡齋

舊書不厭百回讀佳客時來一座傾東坡道潛山泉釀酒香

仍冽芳草西人意自閑誠齋永叔除卻讀書無所好恍如造

物與同游放翁復古要知作詩如作畫但願對竹兼對花復古

宛陵供家米少因添鶴造酒人多不典衣放翁

紫荆樹館雖著中又有集句一聯云積善云有報在涅槃

不繙上句陶淵明飲酒詩下句崔子玉座右銘最爲名貴
按此十字余曾於紀文達師廳事見之忘其署款何名
似不始於佛田

何子貞太史

紹基

工書無帖不摹寫尤喜臨爭坐位帖每

集帖字作楹聯至百十付茲擇其尤工穩者錄之如左云
心同佛定香煙直目極天高海月升 美富文才傳左國
清微畫品數南宗 直諒喜來三徑交縱橫富有百城書
未須百事必如意且喜六時長見書 真輔相才葵向

日大光明地月常門

聖業須參齊魯論尙書並按古今

又。校書得理目如電。直節能光心比金。今既見心卽
見佛。子安知我不知魚。知人其難九德貴。聞過則喜百
世師。家藏古史存疑是天與。高文割愛難。書本紛披
來野意。文辭古惟亦天真。指麾文府才思盛。冠冕人倫
道德尊。金臺名士高前席。紫府真人校異書。同心不
隔一片月。時論惟高尺五天。兩京六朝富文史。三高八
及挺才名。俛仰情文今與昔。縱橫論列直而和。心光
明定得。初月盡木依微來。晚煙情文欲共尊。襲古志節
應爭日月光。人傳三異真名吏。古昔九能可大夫。正

言須比魯宗道。高士爭如張志和。長富且喜傳三異。宰
相還同論十思。人品北南極出地。此心如大月當天。
無端開合電明野。不事安排月到天。月寮煙閣標清興。
文府書城縱道心。身修天爵貴無比。心有菩提香益清。
特立獨行有如此。進德修業須及時。悅心未厭無名。
畫積行唯收有用書。衣來輒入論文座。書就還思作跋。
人入世須才更須節。傳家積德還積書。子瞻卻喜文
與可。魯直深知李伯時。當如曾子曰三省。更爲張公加
半思。煙清忽見一勾月。人定微聞百和香。默心悅目。

情文極人地參天理數明。習勤不置能損欲。聞過則喜。
真得師。居安思危。介節見。積疑得悟。清光來。前席爭。
傳宜室對等身。唯守魯堂書。五香佛海真無地。百尺書。
城半倚天。變道天開。支府貴無心。月到盡堂深。聞道。
何時常恐。葬此身有地。未辭高。事到從容。能合度。路當。
偏側敢依人。深堂有月同參佛。清盡無人自檢書。聞。
道真人在姑射。願從古佛入菩提。識其常而權自足。深。
於情者才始真。名書古畫不易得。月閣煙埃相與清。
卻爲今疑思。菩提須從異論見。同心。書有魚傳人咫尺。

門唯得。到地清高。到從月地。參真佛。且據書城。作何公。
清香滿堂。佛應嘉。明月出海天。爲高。才名挺出。如東。
野。佛理清深。是子瞻。罕意不知行徑。晚遂心時。得其書。
藏。尙論情深。容竊比。清修道合。悟真如。九品論有中。
正意。六書理悟。史皇初。高士還如戴安道。鄉侯合。置王。
無功。功名蓋世。不矜伐。道德積身。惟敬誠。誠存修省。
取諸震德。積高大貴。能升。置身古人。敢不勉。美利天下。
終無言。閑尊忽見前身月。用世猶存半部書。兩世勲。
名郭僕射。一家書畫李將軍。才名震溢。奉供奉。畫理清。

深王右丞 道心尙見今猶古辭令能無抗與卑 按理
異文天祿閣從容清績蓋公堂 古文獨祖衛東海八分
特數師宜官 高位尙須聞過友美名不廢等身書
姜小枚明經 泉有集蘇數聯亦尙渾成如高懷尙友漆園
叟後學過呼韓退之 仙心欲提左元放大草閒臨張伯
英 前身自是盧行者作直難呼孟浩然 小詩試擬孟
東野欸段曾陪馬少游 且與揚雄說奇字要令安世誦
亡書 書似西臺差少肉詩如東野不言寒 成佛莫教
靈運後作詩猶是建安初 行樂及時惟有酒無言對客

本非禪 元亮本無適俗韻東坡也是可憐人 沽酒獨
教陶令醉狂言屢發次公醒 萬事會須咨伯始一班我
亦愧真長 高會日陪山簡醉題詩誰似皎公清
魏春松侍御成忠欲集一齋聯先有杜句云古來才大難
爲用而難得對句其姪滋伯廣文謙升用放翁老去詩名
不厭低句足成之

雜綴 諸語附

柳南隨筆云馮定遠班嗜酒過學使者歲試扶醉以往學使以後至詰之蓋猶在酒所不知所云也學使大書一醉字於卷面以授之隸人挾入號中據几酣睡至放牌聞砲聲然後驚醒四書題爲今夫爽之爲數小數也定遠因作爽賦一篇經文五篇伸紙疾書而出案發名列六等定遠大書一聯榜於中堂云五經博士六等生員

鈕玉樵曰康熙中顏方伯敏裁缺家居人不得調嘗語人曰吾向在西秦元旦假寐夢乘官舫舫中白榜青書有月

臨波作衆雲倚樹爲之聯出觀兩岸紳士稱雜皆云迎
方伯公者行已至廣西界矣十年前會有此兆異時當補
粵藩他非之望也未幾果然

蘇州府屬之崑山新陽兩縣同城而新陽本由崑山分出
者適有蘇邑侯於城隍廟內構舒嘯堂新成曹地山先生
爲題楹帖云縣析崑山此地可名瑤圃人來子美有亭重
問滄溟人皆稱其工切

黃右原曰楹聯叢話前編載吳山尊題友人別業楹帖云
泚水漾丁簾增我輩閒中風致名園依丙舍祝君家看到

雲仍按別業卽巴園本與塋地相近故對話有丙舍云云
園中牡丹最盛原作花節過丁香喜我至剛逢穀雨名園
依丙舍願君家看到仍雲蓋語語關照牡丹而丙丁雲雨
屬對尤爲工緻也

鄭仁圃曰吳緒五邑侯以權九江府泰軍與余寅好最篤
復兩權德化令遂實授余贈以聯云十年庾亮樓頭曾許
登牀同玩月丙度陶潛徑畔未能愛菊且栽花緒五得之
甚喜其雅切

宋悅研侍郎

銘

觀察院中時嘗書一聯贈其上人云看梅

子熟時箇中人酸甜自得聞木樨香否門外漢坐臥由他
侍郎素奉佛精通梵筭用彼法語絕工

黃右原曰從來聯語紙書居多或刻以竹木或用漆加雲
母石且有嵌牙玉者至吳山尊學士始出意製玻璃聯子
一片光明雅可賞玩惟字畫不能無反正之嫌學士又運
其巧思使之表裡如一其句云金簡玉冊自上古青山白
雲同素心上製一橫額題幽蘭小室四篆字又請孫淵如
觀察以雙欵篆書山尊先生孫星衍七字正面反面並是
一樣其巧不可階如此

羅茗香精於算學身東黎見山應南贈以楹聯云紹仁卿

漢卿絕詣兼曉菴勿菴苦心蓋中法之勝於西法以天元

四元爲最其術始於宋元時李仁卿治澗國沂鏡朱漢卿

世傑

四元玉鑑自明季算事浸失國初吳江王曉菴錫

開宣城梅勿菴又鼎擊幾探賾絕學復昌今惟茗香能治

其書故黎見山據實稱之見山乃李四香高弟皆數學名

家也阮儀徵師相亦贈茗香楹句云推步大圜立元以四

理董小篆建一爲常茗香近有春秋朔閏異同考余曾讀

而叙之

彭春農學士

即晴

六十壽聯少嘗其意者學士意欲切彭

姓並欲切江西黃又原比部適在其門因考彭姓之非其
先族者惟前明彭先生公望最著非但如本朝蘇州彭
氏僅以科名起家也乃獻一聯云詩集擅千秋宰相祖風
開八百易堂宗九子翰林鄉望邁尋常學士以杜詩尋常
對七十此聯寓望七之兆得之甚喜

謝椒石曰金瓶芍藥三千朶玉軸琵琶四百弦此宋教坊
大使袁綸句見於浩然齋雅談乾隆間揚州游客有書作
柱聯以謁某商者商喜遂厚贈之想見彼時商家窮泰極

後故於此等語獨有當也若今時則不然矣

有爲關帝廟戲臺聯云顧曲小聰明當日可憐公瑾搥鼓
大豪傑至今猶罵曹瞞此的是關廟戲臺若移向他廟戲
臺則不知所指矣

楊蓉裳

芳煤

爲隨園老人弟子最工倚聲錢桺溪贈之聯

云百首新詞填白石一枝妙筆補倉山

兩淮都轉署中戲臺聯云新聲譜出揚州慢明月聽來水
調歌最爲雅切移向他處便無謂矣

鄭板橋有贈焦山長老聯云花開花落僧貧富雲去雲來

客往還今此聯墨蹟猶存山中

陶文毅公贈錢次軒先生林聯云人言此老古關士我生

之初新翰林蓋錢爲戊戌翰林而公適生於戊戌也

蔡佛田當四十九歲時集宋句爲聯云四十九年窮不死
三百六日醉如泥語意曠達其實佛田家不甚貧飲酒亦
未嘗及亂也

英煦齋師集蘇句贈廖儀卿鈺夫昆弟聯云高才何必論
勳閥壽骨迥知是弟兄殊工切

吳門滄浪亭畔有大雲菴六角上人主之六角名達受海

審人精於金石篆刻之學收藏甚富雲臺相國以金石僧
呼之兼工書畫陳芝枏中丞延主斯席齊勣龍太守贈以
聯云中丞教作滄溟主相國呼爲金石僧嚴問樵邑侯亦
爲撰一聯云商彝周鼎漢印唐碑上下三千年公自有情
天得度酒膽詩腸文心畫手縱橫一萬里我於無佛處稱
尊

長洲沈玉生

基庶

上舍齋中懸一聯云願與不解周旋客

飲酒難爲不識姓名人作書乃壽光李崔生所書錢唐江
稻香跋云此桂未谷集史書中語也

元和黃穀原貳尹

均

工書畫嘉慶閒供奉

內廷有年後

出官湖北淡於進取引疾歸里小有園林日以筆墨自給
有辭官賣畫小印嚴問樵嘗製一聯爲贈云關心夜雨疎
簾費半盞寒鐙爲來日謀朝齋夕韭回首春風上苑賸一
枝秃管與諸君寫近水遙山穀原大喜曰此卽余賣畫招
牌也

涇縣包順伯邑侯

世臣

擅美才而有狂名余在江南數年

獨闕延攬僅讀其所撰中衢一勺皆治河之崇論宏議也
近聞其齋中自題一聯云喜有兩眼明多交益友恨無十

年暇盡讀奇書其胸次可想

朱朶山殿撰

昌頤

未第時見其叔父虹舫閣學侍兒名多

多者心悅之未敢請也適此婢索書楹帖因信筆製一聯云一心祇念波羅蜜三祝難忘福壽男爲閣學所見欲以婢賜之婢謂九郎若中狀元吾當歸焉明年朶山果大魁閣學爲成其事當時傳爲佳話云

貴陽譚太守

光祐

有詩名又善吹鐵簫程春海學使贈聯

云赤手拔鯨牙卅載詩名傾海內
深心托鳳口九天簫響落人閒

又鄭夢白

祖琛

由兩淮都轉擢江西廉使春海

贈聯云玉敦主詩盟正東閣梅開墨花全溼篠簕迎使節
適西山雲起甘雨重來蓋夢白方輯錄乾嘉詩又曾任江
西守令也

石曉田

照

官楚北有循聲適喪其兄悲感形於色曉江卓

振清贈聯云至性至情得天者厚實心實政感人也深後

俞陶泉

德淵

在蘇奉諱歸軍民攀戀不忍舍平樾峯新錄

此聯以贈賀耦耕中丞曰此兩人皆不愧斯語也

張伯治白記得從前移居得一楹聯云到明莫問姓名花
草一庭欣有主。入空自分雅俗。圖書四壁可留人。又曰

陳曼生嘗書一聯見贈云冷澗古梅如老衲護持新笋似
嬰兒。蓮因絕愛之。卽仿其意擬得一聯云古梅蓋屋多盤
錯。新笋出林自展舒。余和之云佳卉移栽如選召。異書借
錄抵微歌。又云奇書食錄如增重。佳卉分培當樹人意皆
相類。

嚴問樵曰嘗習見書春聯者云槐爲爽世承恩樹杏是春
風及第花不知此乃王夢樓先生白署門聯也原句作槐
爲王氏傳家樹杏是唐人及第花先生又搆一樓題曰夢
樓爲演家樂之所集句聯云人世難逢開口笑老夫聊發

少年狂前輩風流發人遐想

花曉亭方伯有贈人一聯云騎驢尋梅一天風雪對竹思
竊萬古雲霄俊語可喜

蔡鴻遵選官桂林挈妻赴任道出湘江其伯岳嚴麗生邑
侯手書一聯贈之云我所思兮雙引鳳君之出矣小驂鸞
自然雅合不愧才人之筆

蔡鴻遵本莆陽人宋忠惠公後裔明末遷吳中自署門聯
云家藏東漢傳經字世守西山誦學編又云字體琴聲中
卽世業茶陵荔譜學士家風

齊梅麓有女弟子張雲裳裳張廳坡參戎之女也歸湯介
人觀察之子才貌雙優事梅麓如父梅麓贈以聯云幾生
修到梅花骨一代爭傳柳絮才又一聯云前身來自眾香
國佳句朗如羣玉山雲裳屢爲余題畫冊畫卷余亦爲雲
裳題其鄧尉探梅玉照並報以聯云清才足敵黃崇嘏生
世都疑萼綠華

徽商以木植生意爲最盛故各省皆別建木商會館大抵
皆傍長江大河爲之以便於發運也館中有一聯頗雅切
句云桑梓同敬恭伐木歌詩求我友波濤仗忠信涉川占

卦利同人

季時菴廣文

思沛

文筆瀟灑教授蘇州時自撰大堂一聯

云掃雪呼僮莫認今朝點卯轟雷請客都知昨日逢丁凡司鐸者皆當爲發一笑粲

孫柳君言其鄉有一縣令王姓其名寅性極貪鄙有夜題其門一聯者句云王好貨不論金銀銅鐵寅屬虎全需雞犬牛羊見者無不嘖然

董文恪公未第時游京師甚困偶於薙髮店中書一聯云相逢盡是彈冠客此去應無搔首人一日某親王過而見

之大加歎賞延之入邸遂以書畫聞京師 又相傳有一
雞髮店乞聯於狂士者大書云磨厲以須問天下頭顱幾
許及鋒而試看老夫手段如何數日間客皆裹足不前其
店頓閉

余里居聞人述王萃華都轉

耀辰

客座中自題一聯云君

子之交淡如水大夫無故不殺羊初不之信時余方引疾
不入州府亦無由與都轉周旋嗣因奉 召復出都轉餞
余於官廨則此聯實在楹間詰其命意笑而不答

嚴問樵曰道光初元江南有嘲舉孝廉方正者大書於其

門云曾是以爲孝惡能廉可欺以其方笑其正雖淡輕薄實工切也

廣陵有鄭醫者云居杭州時嘗由瓶窰入山三十里許至一觀榜云清真殿供老氏像門櫪有一聯云靈靈雲內神仙府鼎鼎山中道者家不識上四字見一羽士年近百齡詢之云出句上二字音沾都雲厚貌下句上二字音吃磬山多貌按字典靈徒罪切音慙鼎鼎所急切音接又音都磬音異餘二字亦無考姑錄之以俟博雅君子

道光辛卯歷下城中新建江南會館落成鄉人公觴於此

仁戲臺對語於嚴問樵援筆立書云東土徵歌問表海雄
風今樂何如古樂南宮奏曲聽過雲高響雅音原是鄉音
大爲劉眉生方伯所賞

王楷堂老於曹郎家計甚窘宅邊馬棚門臨大道自撰一
聯懸於門柱云馬骨峽嶒喚豆喚麤兼喚草車聲歷碌拉
人拉馬不拉錢過者見者無不蹶然

吳江仲子湘秀才爲壽板舖春聯云夢且得官原瑞物呼
之爲壽亦佳名溫雅可誦

嚴問樵曰道光癸未甲申間余以會試留都暇日輒製新

曲付梨園歌之傾動一時彼中人多有以師事者余嘗有
句云偶緣我作逢場戲竟累人爲舉國狂紀實也一日逢
余初度羣優畢集同人戲以桃李門牆四字書扁爲祝余
笑曰既有扁可無對乎因大書一長聯云儒爲戲生旦淨
丑外副末呼十門腳色同拜一堂重道尊師大排場看破
世情都是戲學而優五六工尺上四合添兩字凡乙斗共
成七調唱余和汝小伎倆卽論文行已兼優同人爭賞之
歡譁竟日後爲長懋亭協揆所糾何戡雖在不敢復唱滑
城矣 又曰余所製紅樓雜劇中有巾綠一折敘花襲人

嫁蔣玉函事詰旦將登場矣曲師來請云場上鋪設新房
尙少一扁對乞書之余卽書玉軟花嬌四字爲額對語屢
思不屬正躊躇間忽見雛伶二人翩然而至者則其徒也
一名天壽字眉生一名仙壽字月生卽同習此劇者意有
所觸卽成一聯云好兒女天仙雙壽小團圓眉月三生
背歲余初編聯話時吾鄉某生有錄寄其師某明經聯句
者余嫌其詞太俚未之錄也茲復有續話之輯某生知之
復丐人來探似以前聯爲必應採人者蓋某明經本一村
學究乾隆末頗有文名援徒甚衆某生尤篤信其說其表

章師門之意亦甚勤茲不忍重違其意姑附於諸語中俾
覽者如見其人且資談助也其白題齋室兩聯一云架一
把茅不過些些風月闌半弓地也成小小軒窗一云不成
農不成工不成商並不成士未能琴未能棋未能畫亦未
能書憶余爲諸生時曾與明經同肄業鰲峯書院日接其
言論風采又嘗同應經古之試明經居然剋軍遊餽於庠
是秋復報舉優行侂得而復失一日忽揚言於衆曰我近
於齋室新製一聯云何以廩何以饒自問不知所謂也無
益也無夢還須再看將來諸君以爲何如旁有爲之擊節

稱工者然匪笑者亦不知凡幾輩矣此則其生所未及錄
寄者因並存其語而特隱其名云

京師有其主事家中失竊鳴官控追後經訊出乃其家丁
從內作弊有其同鄉好事者特製一聯贈之云主事何堪
爲事主人家切莫信家人

紀文達師府中屢爲庸醫所誤恨之次骨適有爲醫家求
題扁者公立書明遠堂三字與之或私詰其說公曰不行
焉可謂明也已矣不行焉可謂遠也已矣此醫只當祝其
不行便是無量功德耳或曰萬一彼復來求題聯又將何

以應之公曰我有撰成五七言兩聯一係亡轉孟襄陽詩
字云不明才借作財字主藥多故病人疎一係集唐人詩句云
新鬼煩冤舊鬼哭他生未卜此生休

鄭仁圃曰閩縣義嶼鄉正月燈聯最盛每以諺語相嘲戲
有戶族某調停某事眾疑其受私某力辨其無適賽神作
燈聯某卽以吾鄉諺語解嘲焉其聯曰燭問燈云靠汝遮
光作門面鼓對鐺曰虧儂空腹受拳頭

嚴問樵曰金德輝工度山向曾供奉景山以老病乞退粗
通翰墨喜從文人遊一日請於余曰某老矣業又賤他無

所願願從公乞一言繼柳敬亭蘇崑生後余感其意爲書
一聯云我亦戲場人世味直同雞棄肋卿將狎客老名心
還想豹留皮 又曰邗上徽商某荒於色嘗製一床備極
華麗牀柱上懸一小聯摘卿須憐我我憐卿之句榜諸其
門曰有能屬者予千金或以色卽是空空是色對之立擲
其金以去按此語不但工切兼腐箴規之義千金非倖獲
也 又曰嘗過揚州一妓館見小室中懸一聯云雪月梅
花三白夜酒燈人面一紅時歎其天然雋妙亟詢姓名不
得至今耿耿又於某處見一集句云明月自來還自去暫

時相賞莫相違亦致爲雅切

吳青士曰秦淮河房中有一才士集句爲聯云千種相思
向誰說一生愛好是天然上句用西廂記下句用牡丹亭
銖兩恰稱側艷無比

涂說云有項某自署其門聯云一門三學士四代五尙書
過客見之疑近代顯宦中無此姓意其先世或居是官因
造門而問焉項對曰吾家父子三人並弟子員各占杭州
仁和錢唐一學且祖若父生前曾舉明經合四代皆習尙
書故曰一門三學之士四代有五人習尙書耳君無讀

破句別字也問者大笑而退